

18 JAN 1996

PERDANA MENTERI CANADA TIBA UNTUK LAWATAN DUA HARI

KUALA LUMPUR, 17 Jan (Bernama) -- Perdana Menteri Canada Jean Chretien tiba di sini hari ini untuk lawatan rasmi bagi mengadakan perbincangan kerjasama ekonomi dua hala dan perdagangan antara kledua-dua negara.

Ketibaannya di Lapangan Terbang Antarabangsa Kuala Lumpur di Subang dekat sini disambut oleh pemangku Menteri Luar Datuk Abu Hassan Omar dan pegawai-pegawai kanan Wisma Putra.

Lawatannya selama dua hari itu adalah atas jemputan Perdana Menteri Datuk Seri Dr Mahathir Mohamad.

Chretien diiringi oleh isterinya Aline, Menteri Perdagangan Antarabangsa Roy MacLaren, Setiausaha Negara bagi Asia Pasifik Raymond Chan dan "Pasukan Canada" terdiri daripada pemimpin-pemimpin wilayah Canada, pegawai-pegawai kanan kerajaan dan pemimpin-pemimpin korporat.

Chretien dijangka mengadakan perbincangan dengan Dr Mahathir mengenai hubungan dua hala dan akan menghadap Yang di-Pertuan Agong Tuanku Ja'afar dan Raja Permaisuri Agong Tuanku Najihah.

Malaysia dan Canada juga dijadualkan menandatangani beberapa perjanjian dan memorandum persefahaman merangkumi bidang tertentu kerjasama dua hala.

-- BERNAMA